

URED VISOKOG PREDSTAVNIKA ČESTITA KONSTITUIRANJE VIJEĆA RTV FEDERACIJE BIH

Dana 14. decembra 1999. godine, u prostorijama OHRa u Sarajevu, po prvi put se sastao 21 član Vijeća Radio-Televizije Federacije BiH. (RTV F BiH) Visoki predstavnik otvorio je sjednicu ovim riječima:

• Želio bih iskoristiti ovu priliku da vam poželim dobrodošlicu na inauguralnu sjednicu Vijeća Televizije Federacije. Dozvolite mi da vam istaknem da je uspostavljanje ove nove RTV mreže od vitalnog značaja za moju cjelokupnu strategiju restrukturiranja sistema javnog emitiranja u Bosni i Hercegovini.

• Ova strategija se zasniva na razvoju dvije odgovorne, tipične, samoodržive entitetske RTV kuće koje će imati podršku moćnog središnjeg stuba državne javne RTV službe. Prema mom mišljenju, u potpunosti je odgovarajuće i neophodno da se PBS i TV Federacije skupa razvijaju, i izražavam svoju zahvalnost za kompletan posao kojeg je Osnivački odbor PBS-a već poduzeo. Gospodin Ćustović iz Izvršnog komiteta Osnivačkog odbora PBS-a je već uložio svoje znanje i iskustvo u pripremi ovog sastanka, a Odboru sam dao upute da vam pomognu u radu kada je god to potrebno.

• Imenovao sam sve vas i drago mi je da ste prihvatili izazov. Shodno tome, trebao bih vam objasniti šta očekujem od ovog tijela. Želim da u Federaciji stvorite novu javnu RTV službu. Ona mora biti u skladu sa duhom Daytonskog mirovnog sporazuma.

• Ona mora biti u skladu sa zakonima i Ustavom Bosne i Hercegovine i Ustavom Federacije.

- Ona mora biti u skladu sa najboljim standardima evropskog javnog emitiranja, kao i sa principima UN konvencije i Evropske konvencije o ljudskim pravima.

- Mora biti u skladu sa pravilima Nezavisne komisije za medije u Bosni i Hercegovini.

- Ne smijete dozvoliti da TV Federacija postane sluga nijednoj uskoj interesnoj grupi, bilo političkoj, nacionalnoj ili nekoj drugoj. To je služba u vlasništvu stanovnika Federacije koja se finansira od njihovih poreza, i nalazite se pred jednom svečanom dužnošću, a to je da zaštitite njihove interese i prava.

- Ne potcjenjujem veličinu, niti težinu zadataka koje sam stavio pred vas. U potpunosti sam upoznat sa kritičkim izjavama nacionalističkih političkih stranaka u vezi sa vašim imenovanjem. Svjestan sam pritiska kojem ćete vjerovatno biti izloženi. U potpunosti sam uvjeren da ovo tijelo može zajednički raditi da bi stvorilo nešto novo, da bi stvorilo RTV kuću najviših standarda, te da bi stvorilo službu koja će istinski zastupati oba konstitutivna naroda i manjine koje žive u Federaciji. Ovom prilikom uvjeravam i Bošnjake i Hrvate, konstitutivne narode, da će OHR i dalje biti u potpunosti angažiran u ovom procesu kako bi osigurao potpunu ravnopravnost u skladu sa Ustavom Federacije.

- Bez ikakvih iluzija, odlučan sam da provedem sve odluke koje se odnose na proces restrukturiranja medija – oni koji vjeruju da bi RTV kuće trebale služiti i biti odgovorne prema političkim elitama me neće skrenuti sa ovog puta. Imaćete moju punu podršku. Još jednom vam se zahvaljujem i želim vam puno sreće u ovom poslu.

Vijeće je izabralo gospodina Kemala Hrustanovića za svog predsjednika, a gospodina Slavu Kukića za dopredsjednika.

Članovi Vijeća razgovarali su o uspostavi ovog novog Radio-Televizijskog servisa, kao i o prioritetnim aktivnostima u

predstojećoj godini.

Visoki predstavnik je čestitao članovima Vijeća uz nadu za uspjeh u sljedećoj godini.